

沂事原始 ○廣州博聞報云此次德兵之入沂州因沂州有開教之案事甚瑣屑府尊業經訊結教士謂不應不先知照教會中人殊為藐視因即電達駐京德使德使轉達總署署王大臣電飭府尊從速會同教士妥議府尊即遵電備以二萬餘金德使知無可乘隙乃請總署查拿開教之人按律懲辦總署告以事已了結無人可拿德使復照會總署云若是則本國當派兵前往彈壓總署力阻之德使曰兵已動不復可止矣於是占有據沂州之事

進呈封事 ○廣州博聞報云張少帆廉訪入覲時面奉 諭旨令條陳所見故於 陛辭之際應 詔陳言意謂中國國事宜分治本治標兩法目前必標本兼治乃克有濟大致以嚴考覈清釐稅寬文網崇節儉為治本之法慎使才練兵馬廣製造護工商為治標之法另片奏請 飭裁沿江沿海驛站歸併郵政局辦理各省槍砲銀局則歸併一二處竭力鑄造以節糜費且槍砲子口及銀圓成色務宜畫一曲譬罕喻媿媿千餘言

擬開荒島 ○福建福寧府屬有大庚山縱橫約十里四面環海如出水之荷花山上有湖高岡平原天然位置倘招工而墾闢之則農桑畜牧各適其宜查該山當乾隆年間為海寇蔡牽所據事平封禁至今仍之現聞閩垣某紳深明時務以外洋各埠素本荒島一經墾闢便成膏腴之地大利所在人爭趨之况此山係在內地聽其廢棄深為可惜爰據稟請閩督奏明開禁聽由商民集股開墾以圖利源倘能有成則裨益民生諒非淺鮮現查該山為溫台州等處盜賊淵藪倘得官商合力招股墾荒設兵護衛足以養數十萬之眾近各屬不乏紳富之家亦何所憚而不為

報窮告示 ○署理檳榔嶼報窮司轄 為曉諭諸色人等知悉茲因鍾天秀廣榮春報窮之事自一千八百九十八年臬署第五條案件今特字通知要將首次所攤銀項應還各債主爾等各色人有被鍾天秀廣榮春所欠賬項者可到報窮司署報明入字以便分攤限至英閏月一十五號即華五月初八日止爾各色人等如至期不到入字者乃係自誤此大應攤之份額不得追究先此佈 聞
大英一千八百九十九年冥月廿五號 清光緒已亥年四月十六日 示

代理宜安保險洋面告白 ○啓者本號代理香港宜安保險有限公司專保洋面輪船往來貨物保費相宜至遇賠償等事但從妥速辦理準本月十四日起保諸翁 光顧請移 玉到土庫街門牌四十八號敝號賜教是荷謹此佈聞
光緒二十五年歲次己亥四月十三日 檳城代理人萬榮號謹啓

拍賣當舖各物告白 ○啓者茲將西一千八百九十八年十月及十一月各當舖所當滿號各物在五元以上者盡行拍賣定西六月二號及五號即華本月廿五及廿七等在港仔口五十六號門牌本館內拍賣 諸君合意者屆期請到是處承買現銀領貨此佈
光緒二十五年四月十四日 拍賣人安多年謹啓

新海墘街拍賣館告白 ○敬啓者本館有承領禮伸專理拍賣諸事兼代理買賣屋宇并能按價凡有貨物欲行拍賣或買或賣本館却代理所有銀項三日內便能交楚倘蒙諸商翁 賜顧者請到港仔口街五十六號門牌便是特此佈聞
光緒已亥年三月廿二日 本館主人謝德泰 拍賣及理事人勿慮謹啓

來稿照登 ○潮州府馬武生者疎財仗義氣節清高翰墨精通詩詞擅勝且又深知風鑑之術遊歷來檳嶼外洋風氣月前余與先生晤面先生觀予氣色斷予有水厄官符盜竊之事又斷及前途不爽毫釐至於水厄官符盜竊皆驗於月餘日之內可謂神於風鑑者矣又聞先生長於符錄救人危急不取酬金則尤慷慨之舉也余既佩服先生之功而又樂道先生之善爰為刊登告白以表歌頌之忱耳
光緒已亥年四月初九日 義順號謹啓

日理冥蘭創建慈慶寺延請土木石諸工匠告白 ○啟者本冥蘭我福建人等謀創建慈慶寺擬請土木石諸匠其寺之圖式務從引工之人繪成而來此寺圖式要二進井兩護厝方合體格其中工價及土木石料若干須當註明在繪圖之左方好結算和盤如有合式願承此舉者祈即繪圖式到檳城老萬全領信然後到冥蘭萬德和公司內交黃瑞武手內投遞可也此告白定自四月初六日起至四月二十日止凡要入票之人可即到老萬全領信并將慈慶寺之一進兩護厝之圖式前來自當送其出入船費銀一十元俟至期將圖計閱擇其合宜者而用之如要用某匠某圖自當同覆明白倘如越期始到者仍係自誤遲到亦不支所費也特此聲明謹白
光緒已亥年四月初六日 慈慶寺總理黃瑞武告白

橫城瑣言 ○月之十四日三點餘鐘聞統藥間捕房西差憑線到過港仔地方聞籍人某甲屋內搜獲賭具共拘十一人解案○吉寧人吧機里住觀音廟傍於十四晚歸家與友三人同行過十七間巷仔地方為粵籍人某甲迎面搶去裏頭絲巾一條值銀一元八角即追呼三百六十六號巡差執獲解案○本月十四晚六點餘鐘椰脚差館第二百九十七號差巡至新街見閩籍人某甲將榴連菓子排列道旁差令徒往他處甲復以唇舌相觸差遂以違例拘之交捕總送案○閩籍人林某住牛巷地方新萬源號店內於十五黃昏時由市携鷄三翼歸過街田仔捕房忽被巫差拘之交總差以其倒吊不合於例也以未便經堂訊俟續探再錄

西友論德事 ○昨有以東省德事詢西友謂德與中國果否因此決裂據西友議論云德政府於膠督及駐北京公使該理事亦謂太造現已電飭膠督及駐北京公使令速妥為辦理並諭以往年中國不知我西國情形事與西人為難故我西國待中國亦不以鄰誼相視今中國事事就西人範圍事事酌合公法與我德國亦異常優厚何得以民間細事遽待中國暴戾至此速將東省之事與中國政府通融婉商不得仍前以兵威畏脅由此看來東事大約可以不致決裂矣

遊觀水雷廠記 ○日本捷報云魚雷為軍中利器載遊觀廠記未始不增識見記曰余遊東方與一魚雷官為友知魚雷官係二年一任有十二缺由炮弁考取余友名瓊史導余遍觀斯廠見各種魚雷約有十二艘大小不一或有各物齊備奉令派出一點鐘中可駛行者又有在乾塢中修理者魚雷船與尋常之船隻不同其船板甚高且帶圓式船雖低矮其行甚速機器等以欄圍護其船除載載機器水鍋煤斤等件無寸隙地一空地內儲鐵鑄鐵船等物有機房一所上置魚雷下為修理魚雷之所瓊君一一指示其式如雪茄烟兩頭尖銳長有八九尺徑十五寸至十八寸壳係鑄造分四段第一段有開花彈並裝擊機從魚雷中伸出或擊重擊或行一定路程後使行發須以此擊機定之第二段之內存壓氣使其行動每方寸藏有數千磅之力其氣由機器灌入輕重均可穩行動第三段中藏機器鼓動暗輪之翼製造極精其末段藏行路各器其外有可移鋼板二塊能令魚雷沈在水中且有一字高下以避敵人之彈倘不遇應擊之物仍舊前行力盡而止在未放之前有機可停或沈水底以免不測或浮水面易於尋獲復至一處內裝音琴及水鍋並由機器引動各種車床並有灌氣入魚雷之氣行至講堂該處各式器具不計經費用以教習船上武弁水手等備有各種海底穴之式並電機暨電光燈此燈由魚雷官所管試演二端實有至理其一端譬如裝魚雷之船在行駛之際放雷攻擊他船而該船亦在行駛其法有鐵條二刻有分寸疊置一處可以移動核二船行之遲速及相離遠近即以此鐵條移動成一尖角向其角放去即其欲擊之船又一端更形奧妙約畧言之有海口圖一張其圖內有海底魚雷穴其穴接有電氣又另於炮台等處設有遠鏡及海圖其遠鏡與魚雷穴以線接連倘有敵船進口以遠鏡照之見其經過魚雷穴之上即以電氣感動穴中魚雷其雷自發堂內各種入水所用器具如來福槍手槍及水中所用軍器此乃魚雷廠水師所需者吾由瓊君引導此等軍器可謂全備

京華近錄 ○有西友至自京師者言都中大西洋元向祇電報郵政鐵路各局行用客歲戶部曾撥銀三十萬由順天府代向廣東購大小洋元及運至都市大洋尚不大耗而小洋每角祇值當十大錢六文一枚蓋由於戶部收入不能搭用之故暹日王大臣農知自鑄龍圓有益於國奏請各省解銀到部搭解銀元而剛子良尚書以為銀元係法西國之堅持不允故戶部搭解銀元一層仍已作為罷論矣

日俄備戰 ○北京信息云近來日本政府備辦戰務甚急海防事務亦陸續備齊仍照前四年所定戰務章程辦理極為細密聞此次之預戰因知不日必與俄國起畔俄國亦知日人有東亞爭雄之意若欲勝日則斷不可俟其戰務防務一切齊備且日本師不亞俄國加之在歐美所購鐵甲艦不久權成勢必今年開戰向可望將日本海軍圍在該國海口之內不使放出擾動西比利亞高麗及東三省沿海一帶又禁日人運陸師進中國及高麗二國內地相助云

電召宿將 ○昨有電 旨飛調劉淵亭軍門永福星迅速赴京聞因其係著名宿將 派令督練武衛中軍云

舉辦團練 ○鄉有約地有保團并有伍此先王之制也宋太祖以行伍出身盡知民間利弊故於龍飛伊始便下鄉約練兵之制所以防盜賊並以鎮

團團也明之中葉海寇擾及江鄉浙江廣東福建沿海諸郡俱受其毒威命諸大帥如創設江防令於沿海諸郡每於半里豎一炮樓樓上著一人遠望置銅

鑼皮鼓各一若遠望海賊駕船前來者於日間即擊鼓於夜即鳴鑼鑼鼓之聲一動各樓上聞聲互警各鄉人備出械器攻賊故此法既設賊知不能得志亦遂

稍斂鋒銳此海邊前團練之大畧也昨日有客自三都來者言近以中原多故海上遊魂乘間竊發擾及閩閩沿海居民俱有戒心三都諸社里於是議舉團

練使人傳知沿海諸鄉合同舉辦新安社合許厝社東園舉辦霞陽社合田邊社翁厝社吾貫社舉辦每練四十人於各社擇望重者一人為練長不日便當舉

辦此舉若成賊人自難肆其伎倆矣

此化身混居橫城彼尚日遊花叢朝隔吾恐秋波那一轉又不免攪動禪心也諸客聞之有嘲笑者有歎息者少年亦釋杯而去噫既歸覺路何以復陷火坑

縱任橫陳畢境味同嚼蠟下愚不移之輩雖如來大法力亦不能除其結習耶